

Ленинэнь киява

ВЛКСМ-нь Мокшэрзянь обкомонь ды Саранскоень ошонь комитетэнь газетаст

ИЮЛЕНЬ
4 чи,
1937 ие
№ 75 (749)
ЛКСМ 7-це ие
чинь ютазь

Кемекстызе ССР-нь Союзонь Народной Комиссартнэнь Советэсь 1937 иень июлень 1-це чистэ.

ССР-нь Союзонь Оборонань Кемекстамонь Государственной Внутренней Заемонь нолдамонь условиятне

1. ССР-нь Союзонь Оборонань Кемекстамонь Государственной Внутренней Заемонь явови кавто нолдавксонь: проигрыштэме ды проигрышты.

2. Заемонь нолдави проигрышты нолдавксонь облигациянь 500, 100, 50, 25 ды 10 целковонь гнесэ ды процентной нолдавксонь 500, 200, 100 ды 25 целковонь гнесэ.

3. 500 ды 200 целковонь питнеэ облигациятне соответственна тить вейке сериянь 5 эли 2 номер марто сядо целковонь 5 эли облигациясто ды максить права: проигрыштэме нолдавксонь конат 5 эли 2 выигрышес, конат 5 эли 2 шкасто прить номернэстэ авантэ лангс, конат невтезь облигациясонть; б) процентной нолдавксонь коряс— облигациянтэ процентной весе питнеэстэнэ процентной доходонть лангс.

4. 50, 25 ды 10 целковонь питнеэ облигациятне аштить сядо целковонь облигациянтэ пельксэкс максить права выигрышень процентной доходонь, конат сядо целковонь облигациянтэ лангс, соответствующей таксас (омбоцекс пельксэнэ, нилекс пельксэнэ, кеменце пельксэнэ).

Примечания: 25 ды 10 целковонь облигациятне нолдавить сермадстыцятнень марто расчтетнэнь теаманть кис сеть случайтнэстэ, зярдо сермадстомань сумманть коряс не могут улема максозь седе покш питнеэ облигациянтэ.

4. Заемонь кавонест нолдавкстыявовить разрядтнэс 100 миллион целковойть эрва раздсонть. Проигрыштэме ды процентной нолдавксонь эрва раздсонть улить 20 тыщат сериянтэ. Проигрыштэме нолдавксонь сериянтэ эрва разрядсонть номерт 20001 номерстэ 40000 номерс, истя жо процентной нолдавксонь как — 100001 номерстэ 200000 номерс.

5. Заемонь 20 иень шканзо прть пры выигрыш проигрыштэме нолдавксонь эрва облигациянтэ лангс.

Выигрышты аравтовить 3 тыщат, 1 тыща, 500, 200 ды 150 целковойть 100 целковонь облигациянтэ лангс, тесэ жо облигациянтэ нарицательной питнеэ (100 целковойть).

Облигациясь, конань лангс прась выигрыш, пандови ды саеви седе явовонь тиражтнэстэ.

6. Проигрыштэме нолдавксонь эрва 20 иень перть ютавтовить выигрышень 80 тиражт—4 тиражт эрва иестэ. Выигрышень тиражт эрва ютавтовить сроктнэстэ, конатнэнь аравтынзе ССР-нь Союзонь Финанснэнь Народной Комиссартнэнь Советэсь.

7. Выигрышень эрва тиражонть проигрыштэме нолдавксонь эрва разрядонть лангс, лиякс меремс заемонь эрва 100 миллион целковойтнень лангс улить разыгранной вана зяро выигрышты.

КОДАТ ТИРАЖТНЭСЭ	Зяро 3 тыща целковонь выигрышт.	Зяро 1 тыща целковонь выигрышт.	Зяро 500 целковонь выигрышт.	Зяро 200 целковонь выигрышт.	Зяро 150 целковонь выигрышт.	Всемеэ выигрыштнэ эрва тиражонть.	Выигрышнэнь весе суммась эрва тиражонть (целковойсь).
1—4 тиражтнэсэ улить разыгранной эрвасонть.	1	5	50	1000	3944	5000	824600
5—8 тиражтнэсэ улить разыгранной эрвасонть.	1	5	50	1000	4244	5300	869600
9—12 тиражтнэсэ улить разыгранной эрвасонть.	1	5	50	1000	4594	5650	922100
13—16 тиражтнэсэ улить разыгранной эрвасонть.	1	5	50	1000	4994	6050	982100
17—20 тиражтнэсэ улить разыгранной эрвасонть.	1	5	50	1000	5444	6500	1049600
21—24 тиражтнэсэ улить разыгранной эрвасонть.	1	5	100	1500	5594	7200	1197100
25—28 тиражтнэсэ улить разыгранной эрвасонть.	1	5	100	1500	6144	7750	1279600
29—32 тиражтнэсэ улить разыгранной эрвасонть.	1	5	100	1500	6744	8350	1369600
33—36 тиражтнэсэ улить разыгранной эрвасонть.	1	5	100	1500	7394	9000	1467100
37—40 тиражтнэсэ улить разыгранной эрвасонть.	1	5	100	1500	8094	9700	1572100
41—44 тиражтнэсэ улить разыгранной эрвасонть.	1	5	150	2000	8194	10350	1712100
45—48 тиражтнэсэ улить разыгранной эрвасонть.	1	5	150	2000	8994	11150	1832100
49—52 тиражтнэсэ улить разыгранной эрвасонть.	1	5	150	2000	9844	12000	1959600
53—56 тиражтнэсэ улить разыгранной эрвасонть.	1	5	150	2000	10744	12900	2094600
57—60 тиражтнэсэ улить разыгранной эрвасонть.	1	5	150	2000	11694	13850	2237100
61—64 тиражтнэсэ улить разыгранной эрвасонть.	1	5	200	3500	12494	16200	2682100
65—68 тиражтнэсэ улить разыгранной эрвасонть.	1	5	200	5000	13644	18850	3154600
69—72 тиражтнэсэ улить разыгранной эрвасонть.	1	5	200	7000	15694	22900	3862100
73—76 тиражтнэсэ улить разыгранной эрвасонть.	1	5	200	9000	18944	28150	4749600
77—80 тиражтнэсэ улить разыгранной эрвасонть.	1	5	200	12000	20944	33050	5649600
ВЕСЕМЕЗЭ:	80	400	10000	236000	753520	1000000	165863000

Заемонь 80 весе тиражтнэсэ ули разыгранной заем 100 миллион целковой лангс.

8. Проигрыштэме нолдавксонь облигациятне, — конатнес прась выигрышты, могут улема максозь пандомань кис 1958 иень декабрынь 1-це чис. Те сроконть ютамо мейле облигациятнень кирдясь емавтсы праванзо получамс выигрышнэнь ды облигациянтэ питнеэ.

9. Процентной нолдавксонь облигациятнень эзга доходось пандови весте иезэнэ 4 процентнэнь туро купонтнэнь эзга, конатнень срокост сы эрва иень декабрынь 1-це чистэ, 1938 иень декабрынь 1-це чистэнтэ саезь.

10. Процентной нолдавксонь облигациятнень рамамось (выкупось) ушодови 1953 иень декабрынь 1-це чистэ ушодозь ды моли 5 иень перть (1953, 1954, 1955, 1956 ды 1957 иетне) эрва иестэ вейкет пельксэс.

Облигациятне, конатнень рама-сызь 1953—1956 итнэстэ, аравтовить погашениянь эрва иень тиражтнэсэ, конатне ютавтневить ССР-нь Союзонь Финанснэнь Народной Комиссариатонть пельде аравтозь сроктнэстэ. Облигациянтэ кирдяцятнэнь пандови рамамсто облигациятнень нарицательной питнеэ, се иень декабрынь 1-це чистэ ушодозь, конатонть ульнесь тиражось. Облигациятне, конат тиражтнэсэ непогашеннойть, рама-вить 1957 иень декабрынь 1-це чистэ ушодозь.

11. Процентной нолдавксонь облигациятнень эзга, конат лиссть погашениянь тиражс, пандовить купонтнэ, се иень, конатонть ульнесь тиражось, декабрынь 1-це чинь купононть ловозь. Седе мейлень сроктнэнь купонтнэ пандозь а улить.

12. Процентной нолдавксонь облигациятне, конатнень эрвавить рамамс, истя жо купонтнэ, конатнень срокост сась, могут улема максозь пандомань кис 1958 иень декабрынь 1-це чис. Те сроконть ютамо мейле облигациянтэ ды купононть кирдяцятне емавтсызь праваст получамс купонтнэнь ды облигациятнень питнеэ.

ССР-нь Союзонь Финанснэнь Народной Комиссарось Г. ГРИНЬКО.

ПУТОВКСОНТЬ КУНСОЛЫЗЬ ТЫЩАТ

„СССР-нь оборонанть кемекстамонь“ заемонь нолдамодо советской правительстванть путовксонзо кунсолотась июлень 1-це чистэ ульнесь организовазь республикань предприятиятнэсэ, учреждениятнэсэ, МТС-тнэсэ ды колхозтнэсэ. Посопонь вельсоветсэ (Саранской район) репродукторонть вакс пурнавкшность 20 ломанде ламо. Колхозниктнэ ды служащитне покш мельсь кунсолызь правительстванть путовксонзо.

Правительстванть путовксонзо кунсолызь Саранск ошонь Колхозникень Кудос.

Ардатовань райононь Ильич лемсэ колхозсо правительстванть решениянзо кунсолызь коллективна.

СССР-нь оборонань кемекстамонь заемось — СССР-нь весе врагтнэнь грозной предупреждения

СССР-нь оборонань кемекстамонь заемонть нолдамодо правительствань решениясь вастозь Советской весе масторонть келес покш мель марто.

Весе мельсэ шныть правительствань постановлениянь Донбассонь трудицтне. „ОР“ заводонь паровозостроительтне, 60 № заводонь станкостроительтне ды Косиорлемсэ заводонь машиностроительтне (Ворошиловград) эсис резолуциясост сермадыть: „Советской Союзось врагтнэнь пелемакс ашти неприступной утесокс, конань эйс тапасызь эсис прят фашистской лазутчиктнэ. Од заемось эщо седеяк пек кемекстасы минек родинанть виензэ“.

Кагановичской райононь Донской казактнэ (Сталинградской области) эсис резолуциясост сермадыть: „СССР-нь оборонань кемекстамонь заемось карми улеми грозной предупреждениякс весе сетненень, кить снартыть советской строень крепостенть лангс каявомо. Минь кенярдкс марто сермадстано заемонть лангс. Энялдтано правительстванть икеле седе курок нолдамс сонзэ“.

Азово-Черноморской краен, Армавирской райононь немецкой колхозонь митингсэнт, кона алтазель СССР-нь оборонань кемекстамонь заемонть, ульнест 280 колхозникт-немецт. Эсис резолуциясост сын яволявтыть: „Писстэ приветствоватано советской правительстванть, кона примизе СССР-нь оборонань заемонть нолдамодо трудицтнень предложенияст. Минь, немецтне, конат эрить СССР-сэ авсяк советской властенть пингстэ карминек эрямо алкукс-ладсо. Минь аноктано эрва минутастонть улемс эсинеки родинанть ванстыцк“.

(ТАСС).

САРАНСКОЕНЬ ТРУДИЦЯТНЕНЬ МИТИНГ

Июлень 2-це чистэ МАССР-нь ЦИК-нь зданиянь вакссо ульнест митинг, косо Саранскоень трудицтне вейке мельсэ шнызь минек правительстванть путовксонзо „СССР-нь Оборонань Кемекстамонь Заемонть“ нолдамодо.

Митингэнт панжизе ошонь советэнь председателесь Студеникин ялгась.

Народонь врагтнэнь, подлой шпионгнэнь, разведчиктнэнь Тухачевскойнень ды лиятнэнь покш ненавистень чувства марто ды заемонть нолдамонзо кис минек правительстванть ине пасибань евтэз, кортнест митингсэнт робочейтне-стахановецтнэ Саранскоень весе трудицтнень пельде.

Котонинной фабрикань роботницас-стахановкас Ланкина ялгась евтнэзе митингсэнт сень, што сынст фабрикасо 2 часонь ютазь заемонть лангс сермадсть весе робочейтне.

Строительной робочейтнень пельде вал евтэз Багреев стахановецэс. Сон тердсь народонь весе врагтнэнь каршо бороцям, седеяк пек кеместэ пурнавомс минек партиянь перька, ине Сталин ялганть перька.

— Минек эряви весе вийсэ кемекстамс эсинеки ине родинанть обороноспособностензэ, — корты типографиянь робочеес Агапов

ялгась, — ды бути карми эрявомо, минек эряви улемс анокок эрва минутасто, партиянь васень тердеманзо коряс стямс ине родинанок ванстома ды максомс сонзэ кис эсь прынок.

СарТЭЦ-нь стахановецэнт Щетинин ялганть пек паро, кеме валозо аволь вест ульнест сезезь виев цыпамос. Сон мерсь, што минек ине родинасонть а карми улеми истямо уголнэ, косо бу авольт сермадсто те заемонть лангс. Минек родинань эрва гражданинэс бажи, кенярды сермадстомс те заемонть лангс секс, што сынст трудовой целковойтне туйт сехте почетной тевс, минек родинанть обороноспособностензэ кемекстамо.

— Минь строятано эсинеки родинань моданть лангс кшнинь заводт. Ды кие карми снартнеме каявомс минек лангс керясывек эрва гадинанть прынзо, кода те лиссь фашистской шпионгнэнь Тухачевскоень ды лиятнэнь марто, — корты Щетинин ялгась.

— Шумбра улэзэ минек родной тетясь ине Сталин! — истямо валсо сон прыд эсь валонзо.

Митингсэ примась резолуция косо шныть правительстванть решениянзо оборонань заемонть нолдамодо.



Саранскоень трудицтнень митингсэ.

Фотось Ивановь.

СЕРМАДСТАНО ЗАЕМ ЛАНГС!

Ломантнеде промкссонть ламо, Весе кенярдозь аштить. — Заем лангс минь сермадстано, — Вейкень пес весе алтыть. Масторонок минек виев, А изняви киненьгак. Заем лангс сермадстомасо Виевгады седеяк! Течи митингсэ робочейть Кенярдкс марто толковасть: Од заемонть нолдамонзо Ве мельсэ сын весе шнасть. Колхозниктнэ вейсэн промкссо Покш мельсэ заемонть шнасть. Кенярдкс марто сермадстано, — Резолюция сермадсть. Минек сколав государстванть Врагтнэ снартнест тапамо. Од заемонть сермадсто Тень лангс отвечатано!

В. Об'един.

СЕРМАДСТОМАСЬ МОЛИ АКТИВНОИСТЭ

„СССР-нь оборонань кемекстамонь заемонть“ нолдамодо правительстванть путовксонзо лисемадонть мейле сеске, Саранскоень фабрикатнэсэ, заводтнэсэ ды лия предприятиянэсэ робочейтне ды трудицтне тейнест митингт, конатнэ эйсэ евтэсть покш пасиба минек правительстванть заемонть нолдамонзо кис ды сеске жо кармасть ютавтомо сермадстома заемонть лангс.

Истя, махорочной фабрикасо, овси аволь ламо шкас заемонть лангс сермадть 68 робочейт весе-мезэ 7530 целковоень питнес.

Маслозаводсо исяк эрва цехсэнт ульнест ютавтозь робочеень митингт, косо робочейтне истя жо пек покш кенярдкс марто сермадсть заемонть лангс.

Заемонть лангс сермадстомань митингт истя жо ютыть Саранскоень райононь колхозтнэсэ, бригадатнэсэ.

Июлень 3-це чис Саранскоень трудицтне сермадсть весемезэ 341 тыщат целковоень питнес, райононь колхозниктнэ—35 тыщат целковоень питнес.

Омбо масторонь разведкатнень вербовочной роботань коварной кой-кона приемтнэде*)

Но врагонтень кенярдомс эзэ саво. „Л“-нь эсь прынь ветямозо эзэ юта роботасо сонзэ ялганть пельде атак нее. Пачкодсть кулят синтрезь кенгштнеде, неизь, што „Л“ а кортни ялганзо марто, чокшнетнева ков бути емси, кевксематнень лангс отвечамсто кенгели. Кармась неявиомо, што „Л“ пек микшин кой-кона паро-чинзэ, снартни займамо ярмакт. Сонзэ марто кортасть ялгакс, ды „Л“-нь сатотсь мужество меельсэ шкастонть весе евтнемс.

Минь секс истя подробнойстэ лоткинек те примерэнт лангс, штобу невтемс, кода бдительностень аразесь натой истямо простой тевсэнт, кода омбо масторонь келень преподавателень кочкамось, эсь прынь сень эйсэ оймавтомась, што врагось а истямо коварной, кодамокс сонзэ рисовить, кеме-чинь аразесь ды родинанть икеле эсь долгонть сознаниянь аразь чись, пачтизь икелень честной, мейсаяк атак вадневе гражд-

*) Ушодксонзо вант 72, 73, 74 №-сэ.

нинэнт, кодамокс икеле ульнест „Л“, минек родинань сех кежев врагонт кедьс, кона, прок правила, свал ушоды вишка услуганть тееме энялдомастонть, истя, штобу мейле кармавтомс маштнемань, кирвастнемань ды шпионажонь тейнеме.

Содатано истя жо зярыя лия случайт, зярдэ врагось, границань томбалев командировкас молезь советской кой-кона граждатнэнь распушенностест эсь лезэс нолдазь, кучнест тенст ават, мейле кармавть максомо удовлетворения появазь „покордазь мирдентень“ ды сень кис компенсациякс, што те-венть лепштизь, эзизь пачта скандалс, кармавть кемичи ды распушенной ломантнень шпионажонь, родинанть изменань тееме. Советской вейке гражданин марто, кона икеле ульнест будто безупречной, теевсь истямо бедствия, зярдэ сон ульнест командировкасо Японияс. Соч кармась сеедьстэ якамо ресторантнэс ды увеселительной лия-трактнэс, теке мар-

то сон тосо теевсь малавиксэкс неть таркатнэс якиця, лангс вавозь „аристократка“, мазый ава марто. Пек паро ресторанонь салавань уголнэс те авант марто сонзэ вейке вастоманть пингстэ атак учо сась военной формасо японец мерсь, што сон те авант „мирдезэ“ ды каявсь советской гражданинэнт лангс, сонзэ семейной очагонть честензэ покордамонт кис удовлетворениянь вешезь. Тевесь прыдоволь бу скандалсо, бути сеске жо тозонь аволь са лия, лангс вавозь паро ломань, истя жо японец, но штатской одижасо, кона кармась кортамонзо военной японецэнт а кепедемс скандал ды прыдомс тевенть мирямос. Советской гражданинэс, кона эсь прынзо марясь пек берянь положениасо, кундась „миравтыцянть“ эйс, прок прынзо идемань юкорсь. Тевесь прыдовсь „мирымосо“, но кодамо питнеде? Советской гражданинэс максь расписка макстнемс „миравтыцянть“, информация СССР-сэ кой-кодат тевтнеде, конат интереснойт „миравтыцянть“. „Миравтыцяс“ ульнест японской разведкань агент. Но расписканть максозь сон понгсь „миравтыцянть“ кедьс. „Миравтыцянть“ пельде лангс ливтемадо пелезь, сон яла седеяк пек тапаравсь, топавтсь яла одт ды одт шпионской поруче-

ният. Сон теевсь японской шпионкс ды эсь родинанзо врагос.

Содатано случай, зярдэ „Н“ советской вейке роботник, граничань томбале командировкасо улэзь, понгсь лия масторонь разведканть кедьс истят обстоятельство-ватнень пингстэ. Вест „Н“ саизе портфельнэсэ ды тусь кафе. Портфельсэнт деловой кодаткак коневт арасельт, секс „Н“ зяро бути чашкат кофе симемадо мейле, кадзызе столенть лангс портфельнэсэ ды тусь телефонсо кортамо. Зярдэ сон мекев сась эсь столезэнзэ, то муизе портфельт таркастонзо, сон аштэсь эщо зярс бути ды сыр-гась туеме. Кафестэнт лисемстэ сонзэ лоткавтызе од ломань, иностранец, кона кевкстизе „Н“-нь. „Тон истямось вана?“ „Н“ мерсь, што сон. Сестэ иностранецэс тердизе „Н“-нь ве енов ды мерсь тензэ: „Тон, господин „Н“, советской шпион, кона колы те государстванть закононзо. Теде полициясь эщо а соды, но тон целанек аштят монь кедьс. Мон могу тонь идемс, бути тон теят монень кой-кодамо „услуга“. „Н“-нь састь кежензэ ды сон кармась кортамо лангзонзо маньшманть каршо. Иностранецэс мерсь тензэ а пажнемс, секс што „Н“-нь отказамс а кода—сонзэ портфельсэнт ашти

(Поладксозо 3-це страницасо)

А колсемс комсомолонь уставонть!

Сталинской Конституциянь шкасто комсомольской уставонть тевс ютавтоманть значениязо пек покш. Ансяк тень ламо комсомолецтне эзизь чаркоде, эзизь чаркодть сень, што ВЛКСМ нь уставонть тевс ютавтоманть туртов эряви содамс сонзэ, добувамс сень, штобу комсомолецтне уставонть чаркоделизь прок комсомольской закон, конань тевс ютавтоманзо кис эряви туремс эрва чистэ.

Комсомолецтне ды активисттне пельде уставонть беряньстэ содамонь, уставонть стувтомань, сонензэ аволь большевистской отншениянь, попустительствань ды примеренчествань результатокс ашти се, што ламо организациява улить уставонь коламонь зярря факт.

Вана Рузаевкань район. Сонсь райкомось ды первичной кой-кона организациятне тейть легкомысленной, дяческой подход истямо серьезной тевентень—комсомолс примамонтень. Бюронь вейке заседаниясо примазь ВЛКСМ-нь членкс сразу 30 ломанть. Яковичинской эйкакшонь кудонь первичной организациянь комсомольской комитетэсь примизе ВЛКСМ-нь членкс Лазаревень, но эзизе путо те вопросонть промксос. Комитетэнь секретаресь Горбунов кучизе материалонть комсомитетэнь членэнь Горшенин марто райкомов кемекстамо, ВЛКСМ нь РК-сь эзизе проверя материалонть виде-чинзэ, Лазаревень примизь комсомолс. Мейле лиссь, што Лазарев комсомольской промксос примазь арасель ды примазьгак не мог улемс, секс што Лазарев икеле ульнесь комсомолсо ды кулакнень комсомольской билетэнзэ мнеманть кис казель мекев. Теде содыльть кой-кона комсомолецтне теке жо организациястонть.

Истя жо колыть ВЛКСМ-нь уставонть рекомендациянь вопрос-нэсэ. Комсомольской организация-не рекомендациятень а прове-рякшныть, истя жо а провери ре-комендациятень райкомоськак. Саемс примеркс комитетэнь членэнь Гришинэнь рекомендациян-

зо, конатась рекомендовал ВЛКСМ-нь членкс комсомолонь интересень предателенть Лазаре-вень. Проверямонь шкасто лиссь лангс, што Гришин ульнесь само-званецкс, комсомолсо зярдожк арасель. Вагонной депонь комсо-мольской организациясь (комите-тэнь секретаресь Кесарев) комсо-молс примазь вейке ялга, конань рекомендовал комсомолс профсо-юзонь член. Истя жо ульнесь при-мазь комсомолс 27-це школос вей-ке ученик, конань рекомендовал ВКП(б)-нь членкс кандидат. Пер-вичной комсомольской башка ор-ганизациятне нолдтнить истят ре-комендацият, конатнень (рекомен-дательтнень) арасель уставонь ко-ряс союзной стажост.

Рузаевкань комсомольской ор-ганизациясонть сеедьстэ колсеви демократической централизмась.

16 ковтнень перть райкомось (секретаресь—Титов) тердтнесь пленумонь ансяк кавто заседаний. Истямо ладсо, организациятнь эря-монь ды роботань пек эрявикс вопроснэ ванновкшность келейна. Ноябрь ковстонть течинь чис тосо ульнесь бюронь 23 заседания, косо бюронь 6 члентнень таркас эрсекшнесь малав весе заседани-ятнэсэ ансяк 3 члент.

Пек важной вопрос Титов раз-решал ськамонзо. Истя, сон мерсь „Кечь“ колхозонь производствен-ной организациятнь ды территори-альной организациятнь эйстэ те-емс вейке организация, ды ансяк секс, што производственнойсэнь Титовнень 4 комсомолецтне ма-рявсть аламокс.

Теде башка Титов полавтызе Шмаковонь комсомольской биле-тэнзэ, конанть личной тевензэ арасель райкомсо. Эрсесть случайть, зярдо Титов бюронь заседаниясо примазь решениятнь таркас „стря-паясь“ эсизь, овси лия „решени-янзо“.

Райкомонь бюронть ды Тито-вонь роботамонь истямо стилесь кандови первичной организацият-ненень. Те секте пек неяви отчет-но-кочкамонь промкстнень ютав-томсто.

Адушкин.



ОЙМСЕМА ШКАСТО

Радянской колхозонь (Крыжопольской район, Винницкой обл.) 80 иень колхозник П. Л. Бойко етний од ломантнень седикельксэнь эрямодонть. Фотось Шмулевичень (Союзфото).

Пропагандистской роботась стувтозъ

Ст. Шайговань районной комсо-мольской организациясонть про-пагандистской роботась овси стув-тозъ. Тесэ секте пек покш при-чинакс ашти се, што ярой троц-кистэнь, буржуазной национа-листэнь, ВКП(б)-нь райкомонь икелень секретаренть Бажановонь пуло-пельксэсэ Фенин весе вийсэ калавтьсэ районнь весе комсо-мольской организациясонть про-пагандистской ды политико-вос-питательной роботанть.

Комсомольской первичной ор-ганизациятнень эйсэ ВКП(б)-нь ис-ториятнь тонавтнемань ды полит-грамотань формальнойстэ теезь кружоктне эзть работа. Школь-ной комсомольской организацият-нень эйсэ зярдожк эзть ульне

ВКП(б) нь историятнь тонавтне-мань кружокт.

Фенин, штобу сеземс те робо-танть, тейнесь эрва кодат скло-кат политтонавтнемань отделэнь заведующеенть Воробьевонь мар-то. Штатной пропагандистэнь Сарайкинэнь кармавть овси лия тевень тейнеме. Пропсеминарт зярдожк эзть ульне.

Комсомолонь райкомонь од ру-ководстванть эряви ловомс весе неть асатыкстнень, ладямс полит-тонавтнеманть, отчетно-кочкамонь промкстнень ютавомс истя, што-бу таргсемс весе троцкистской выродкатнень, конатне эрва ко-да эцнесь комсомольской орга-низациятненень.

И. Исламкин.

Политтонавтнемась стувтозъ

Дубенки Сайне велень комсо-мольской организациясонть весе мезэ 4 комсомолецт. Тосо комсор-гось М. Хрипунов стувтызе по-литтонавтнеманть. Те организа-

циясонть 1937 иестэ эзь ульне вейкеяк политзанятия.

Мезе евты тень коряс Дубен-кань райкомось?

И. А. Ярославкин.

ОМБО МАСТОРОНЬ РАЗВЕД-КАТНЕНЬ ВЕРБОВОЧНОЙ РО-БОТАНЬ КОВАРНОЙ КОЙ КО-НА ПРИЕМТНЭДЕ (ПОЛАДКСОЗО)

шпионской документ, кона моли те масторонть каршо. „Н“ содась, што сонзэ портфельсэ мезеяк бе-рянь улеме не может, сексе жо пацжизе портфельсэ ды эсь эрва кодамо коневонзо юктсто танда-дозь мусь лия масторонь кельсэ сермадозь секретной гриф марто документ, кона, неяви, путозель тозонь се шкастонть, зярдо сон кортнесь телефонсо, „Н“ кармась севномо, чумондомо апак содань ломаненть сеньсэ, што сон путизе тензэ те документэнь. Апак со-дань ломанесь мерсь: „Оймак, гос-подин „Н“, мон а содан, кода тон лисят те положениястонть. Мон арсинь меншамот тонь, бути жо тон тень эйстэ откажашнат, мон нейке, теке жо минутстонть мак-стан тесэнь полициятнь кедьс“. Нуркинетэ кортазь, „Н“, сень тар-кась, штобу секс жо лоткавомс ис-тят кортнематнень ды, честной, апак вадне ломанекс улезь, секс эстензэ яволавтомс полицияс, кар-мась вешнеме компромист апак содань ломаненть марто ды мей-ле „скандалонь а теемань кис“ максь согласия теемс справка ве-ломаньде, кона эри Советской

Союзсо. Но шпионсь, кона тар-гизе „Н“-нь эсь шанжавонь коц-тонтень, текень лангс эзь лотка. Сон эзь соглася нолдамонзо „Н“-нь эсь кедьстэнзэ, сонензэ максозь поручениятнь теамонзо соглася-монть кувалт сермадозь подтвер-ждениянь апак получа. Сень кувалт, што „Н“ эзь нее лия способ менемс сонзэ мельга пансиця шпиононть эйстэ, сон тейсь емамонь ильве-девкс ды максь тензэ расписка со-нензэ максозь поручениятнь те-емань обязательства марто. Те рас-пискась теевсь роковойкс „Н“-нь весе сонзэ эрямонзо перть. Те ра-писканть эсь лезэс нолдазь ды сонзэ яволавтомасонзо тандавте-нзэ, фашистской разведкань агенттне, муилизь сонзэ эрва косто, косо бу сон аволь уле, ды васня ва-нозь невинной характерэнь пору-чениятнесь ютазь, максьт „Н“-нь шпионской алкуксонь работа, кар-мавтызь сонзэ теемс измена эсь ро-динанть ды теевемс фашистской разведканть кедьсэ сиведезь нул-годькс шпионокс.

Содатано истя жо лия случайть-как, зярдо шпионтне эсь сетезэст таргастэ границанть томбалев мо-лица ломантнень, сынст мораль-ной лавшо-чист эсь лезэс нолдазь. Истя границань томбалев кучозь вейке роботник служебной взаи-моотношениянь коряс теевсь сода-

виксэкс лия масторонь консульст-ватнень зярря чиновник марто. Вейкекс сынст эйстэ, эсь прынзо сюпавокс невтезь, сеедьстэ тердт-низэ „Т“ гражданинэнь эрва ко-дамо зрелищас—ардтнима таркас, театратнес, увеселительной таркат-нес, шантанс, кабаррес ды нень кондят увеселительной заведений-нес. Теке марто лия масторонь ломанесь свал вешнесь случай пандомс весе развлечениятнень кис, конатнесэ сон ульнесь вейсэ „Т“ марто. Истяня, „Т“ кармась свал ютавтнеме шка эсь од щед-рой содавиксэнзэ марто, яксесь эрва кодат весела таркатнес, тар-гавсь весела эрямос. Но вейке шкасто „паронь теицясь“ евтась „Т“-нень, што сон розорявсь, што сонзэ пельде вешить нейке пан-домс счеттнень коряс, секс сон веши пандомс тензэ весе ярмак-тнень, конат ютавтозъ „Т“ лангс вейсэнь кутежтнэсэ. Зярдо „Т“ маризе сонзэ пельде вешевикс сумманть, сон талакадсь, секс што зярдожк зярдо ярмакт вейсэ омбо масторонь ломаненть марто эзь ютавто. Но омбо масторонь лома-несь кеместэ вешсь нейке пандомс ютавтозъ ярмактнень. Нама, „Т“-нь а косто ульнесь муемс ламо яр-макт, ды вана сонзэ собутыльни-кесь евтась положениястонть лисе-ма, конась может „идемест“ сынст

кавонест, конэ ашти вана мейсэ: эряви, штобу „Т“ макстневель скро-мной информацият вейке пек со-лидной ломантнень, кона неть ин-формациятнестэ может саеме ком-мерческой лезэ. Зярдо „Т“ отка-зась, сонзэ „паро оязо“ кармась тандавтнеме сеньсэ, што сон сес-ке евты „Т“-нь начальстванть „Т“-нь безнравственностензэ ку-валт, вейсэнь сынст весе яксема-дост, кстати меремс, сеть сала-вань даннойтнедеяк, конатнень, буто, сонензэ „Т“ уш евтнинзе. „А седе ли паро, штобу тон мак-совлик зыянтомо те информаци-янть,—мерсь шпионсь „Т“-нень,—сень таркас, штобу теемс риск тонь паро лементень, ды паряк эрямонтеньгак, ды истя жо эсь семиятнь допрок калавтоманть, секс што тонь нить а простясинзе тонеть безнравственной тонь те-веть. А седе паро ли стувтомс ве-се теевезенть монь содавикс ло-манем туртов кой-кодамо сведени-янть максомань питнесэнь, конат сведениятнень евамост а теи ки-неньгак кодаможк зыян“. „Т“ эзь муе эсь эйсэнь мужества витык-стамс эсь ялганзо икеле враждеб-ной окружениятнь марто сюлмаво-масонть эсь недостойной тевензэ эйстэ ды теньсэ идемс прынзо седе тов прамонть эйстэ, (Поладксозо сы №-тнэсэ),



Июлень 18-це чистэ ушодови „ВЛКСМ-нь ЦК-нь Кубоконтъ“ лангс спортивной самолеттнэнь пелькстамось. Самолеттнэ кармить ливтямо Москов-Севастополь-Москов маршрутканть.

СНИМКАСОНТЬ: воздушной пелькстамосонть участияс кандидаттнэ: Косарев ялганть лемс Центральной аэроклубонть спортивной отрядонь командирэс Дымов ялгас (вить ено) ды аэроклубонь 3-це отрядонь командирэс Ястребов ялгас (селмонть лангсо керш ено) „УТ-1“ самолетонть вакссо тренировочной ливтямодонть икеле Тушинской аэродромсо. Фотосъ А. Межуевень (Союзфото).

Испанской республиканской Армиянь воздушной виень командующеенть телеграммazo СССР-нь военно-воздушной виень начальниктень РККА-нь II-це рангонь командарманть Я. И. Алксис ялганть

Московсо Испаниянь тевтнень кувалт поверенноесь кучсь омбо масторонь тевтнень ветица Народной Комиссаронть Литвинов ялганть лемс серма, конаньсэ евтаз испанской республиканской армиянь воздушной виень командующеенть Гидальго де Чиснерос полковникенть, военно-воздушной виень начальниктень лемс РККА-нь II-це рангонь командарманть Алксис ялганть телеграммать содержаниязо.

Те телеграммасынть кортави:

„Тынь парсте содасынк эрзянь келенть...“

Мокшэрзянь пединститутсо 1936—37-це иетнестэ ульнесь организовазь подготовительной курст. Неть курстнэ ютыльсь весе общеобразовательной дисциплинатень. Сех беряньстэ тевесь мольсь, икелевгак, эрзянь келенть кувалт (преподавателесь Самаров, литфаконь 4-це курсонь студент).

Сон ветясь эрзянь келенть „С“ группасынть. Васняк, Самаров эрзянь келенть сонськак а содасы ды эзь макст кодаткак знания тонавтниятнень. Теде коргы се, што Самаров учетонть теизе аволь видестэ ды ламо тапась-човорясь.

Васень занятиянь чистнестэ Самаров тейсь колмо валонь дик-

„Монень подчиненной частьтнень пельде ды эсинь лементь пельде псисэ поздравляю Тынк покш воздушной рейденть марто, конань теизе аволь умок Чкалов, Байдуков ды Беляков летчиктнэ. Мон энялдан евтамс тенст республиканской авиациянь пельде поздравления, конатась (авиациясь) тури Испаниясо оля-чинть кис ды покш мель марто ванны СССР-сэ героической ялганок весе покшт ды покшт достижениясь мельга“.

(ТАСС).

тант ды мерсь: „Тынь парсте содасынк эрзянь келенть...“ Текенень оймась. Теде мейле вестькак арасель теезь диктант. Эзь тейть диктанть натой занятиятнень при-домо мейлеяк. Тейнилъ ансяк устной отметкат. Курсантнэ а со дыльть мезень кувалт анокстамс устной кевкстнематненень. Самаров содыль, што Рябовонь грамматикась а маштови, но яла теке кевкстнесь те грамматиканть коряс. Курсантнэ устна отвечать берякьстэ, диктант тенст эзь учовт.

Ков эно вансь пединститутонь дирекциясь, парткомось ды комсомольской организациейсь?

Кормакспетра.

Пелить критикадонть

Июень 27-це чистэ МКСХШ-со ульнесь комсомольской вейсэн промкс, косо ульнесь ваннозь политнавтнемадо вопроссь.

Эрвяи тешкстамс, што тосо овси лавшосто ульнесь келейгавтозь критикась ды самокритикась. Прениясо кортнеме сермадстокшность весемезэ 13 комсомолецг, но сынст эйстэ вал макстнесь ансяк 5 ломаннень, конатне лововить штатной ораторокс. Теде мейле прениятнень лоткавтызь. Прениятнень лоткавтоманть кис сехте пек аштесть

комитетань секретаресь Кудашкин ды комитетань членсь Сайгин, конатне, паряк, пек пельсть критикадонть.

Критиковамс жо сынст ульнесь мезень кис. Сайгин ды Кудашкин сеедьстэ симнить винадо. Истямо тев ульнесь июень 6-це чистэ, чокшне. Сайгин ды комсомольской отделения комитетань секретаресь общежитиясо ульнесь пек иредьстэ. Теде содасы Кудашкин, но сон валгак эзь евта промкссо.

Комсомолец.

Лия тевесь ней

Кемень иеть уш ютасть, кода Кабаевас панжовсь почтовой агенства. Те шкас те агенстванть помещениязо ульнесь вишкине, чопода кудо. Роботниктнэ эзь мелявто сень кис, штобу эгенстванть роботазо улезэ вадрякс.

Лия тевесь ней. Маень ковсто 1937-це иестэ панжовсь Кабаевас почтовой отделения. Кудось покш, валдо ды артозь стенатнева понгавтнэз лозунгт, картинат ды минек вождьтнень портретэст. И. А. Дубенкань р-н.

Советской летчиктнэ Нью-Йорксо

Советской Союзонь геройтне Чкалов, Байдуков ды Беляков ялгантне, конатне ней США-со, июень 30-це чистэ састь Нью-Йорков. Вокзалсо сынст вастызь ламо тышат ломанть, конатне энтузиазма марто приветствовалисынст ды кайсесть лангозост цецят. Советской Союз—Пеле ве енкс полюс—США ливтямонь геройтнень туртов „Друзья Советского Союза“ обществась тейнесь митинг, косо ульнесь 12 тышат ломанть. Геройтнень появамсто пек виев овациясь мольсь зярря минутат. Советской Союзонь геройтнень Чкаловонь, Байдуковонь ды Беляковонь, истя жо Канадской тран-сантиарктической содавикс летчик-кенть Кениононь, США-со полпре-денть Трояновский ялганть, Ар-ктикань содавикс исследователь-тнень Стифансононь, Хенсононь, астрономонть Фишерэнь, Хайден-ской планетариянь руководите-ленть докторонть Кингсберинь выс-туплениясь ульнесь ютавтозь шнамонь сееремасо ды цыпамосо. Советской летчиктнэнь приветст-вовали Нью-Йорк ошонь властенъ представительтне.

Советской Союзонь героесь Чкалов ялгас эсинэзэ валсонзо мерсь: „Советской Союзось моли икелев изнявкстнэстэ изнявкстнэс. Мон энялдан американской эсинь оян извинить монь, бути минь сынст икедьдинек зярря иес. Ми-нек ливтямонок ашти целанек ве-се масторлангонь робочей клас-сонть. Минь, колмо летчиктнэ, робочей классонть лисезтне, мо-жем творить ды роботамс ансяк-трудиятнень туртов. Минь изни-нек весе стакатнень арктической ливтямонть пингстэ, штобу евтамс приветствия американской наро-донть“.

Советской Союзонь героесь Байдуков ялгас евтась: „Минек масторось од, ды минек масто-ронть эрямось од ломантненень—юношатнень, тейтертнень эрямост

кондымо, конатнень атак лотксе творениянтень ды тешкстазэ це-лентень пачколеманть пешксетэ энергиядо ды кенярдомадо. Зярря иеде теде икеле минек малав ара-сель авиационной промышленно-стенек, ней жо минек улить пек парт самолетонок, пек парт мото-ровок ды аволь берянтэ летчике-нек. Могортнэ, конатне теезь эси-нек собственной стальстэ ды пур-назь минек од робочейтнень кедь-сэ, истят парт, што профессорось Шмидт смог ливтямс Пелеве ено полюсов. Советской летчиктнэ ис-тя воспитаннойтькак, штобу эрвя-зардо бороцямс пеле пес пробле-матнень разрешениясь кис, конат-нень выдвинул минек народось. Истят геройтэ, кодаттано минь, минек масторсо могут улеме ся-дот ды тышат. Мезе бу авольть анокста минек каршо те эли тона-государствась, ды мезе бу сынъ авольть коргне минденек, минек целень топавтоманть минек ре-шительностесь—теемс уцяскав эрямо весе масторлангсонть—овси а ули теньсэ калавтозь“.

Советской Союзонь героесь Бе-ляков ялгас яволятьсэ: „Зардож-арасель истя олясо ломанесь, ко-да сон олясо ней Советской Союз-сонть. Эрванть улить возможнос-тенэ эсинэзэ способьтнень кас-томанть. Нать Московсто Пеле-ве ено полюсонть трокс США-в минек ливтямось а ашти сехте-паро доказательствак весе тенень? Минь топавтано минек икелев-аравтозь задачанть цивилизациянь-лемсэ, минек родинанть славанзо-кис“.

Весе вейсэ шнамонь сееремат-нень коряс митингсэнь ульнесь-примазь советской летчиктнэнь-приветствиясь.

Митингенть придомсто аудито-риясь пек покш энтузиазма марто-морызе английской кельсэ совет-ской летчиктнэнь гимнаст „Все-выше, и выше, и выше...“

(ТАСС).

Отличниктнэненъ вадря премият

Кочкурова. Ташто Мурзань аволь полной средней школоса-выпускниктнэненъ ульнесь теезь-чокшнэ, косо выпускниктнэненъ-отличниктнэненъ школань дирек-циясь явхесь вадря премият.

Драгунов Алексей отличникесь

премировазь шнамонь грамотасо-ды фотоаппаратсо, Пикаев Кузь-манень максозь шнамонь грамота-ды 20 целковойть ярмакт. Преми-ровазь весемезэ 12 отличникт.

Петя Полежаикин.

ИНСАРОНЬ ВЕЛЕНЬ-ХОЗЯЙСТВАНЬ ТЕХНИКУМОСЬ

ЯВОЛЯВТЫ ТОНАВТНИЦЯНЬ ПРИМАМО

Техникумсонть кавто отделения: агрохимической ды полеводческой.

Техникумось аноксты младший агрономт.

Примавить граждонт, конатне прыдызь аволь полной средней школанть ды конатненень топодсть 15 иесгэ 30 иеть.

Тонавтнеме сыцатненень кармить улеме теезь испытаният обществоведениянь, рузонь келень, математикань, географиянь, физикань, ды политграмотань коряс.

Максови стипендия успеваемостень коряс, карми улеме столовой, общежи-тия, постельной принадлежности.

Примамодо заявлениянтень эрвяит пуюмс подлинниксэ документт: образова-ниядо, шумбра чиде, шакомань шкадонть ды почтовой 2 марка.

Испытанияне кармить улеме августонь 20-це чистэ сентябryanь вазень чис.

Занятияне ушодовить сентябryanь вазень чистэ

Документтнэнь марто заявлениянтень примамось карми молеме августонь 20-це чис. Сынст кучтнемс истямо адреснь коряс:

Инсар, МАССР, Инсарский сельхозтехникум.

Дирекциясь.

1—2

Шкань ответ. редакторось А. БРЫЖИНСКИЙ.